

An tÚdarás Náisiúnta Iompair

An Scéim Croíchonair Bus ó Ghleann na Life go Lár na Cathrach

Cinneadh maidir leis an Scagadh Measúnachta Cuí

Tá sé beartaithe ag an Údarás Náisiúnta Iompair (an “tÚdarás”) an Scéim Croíchonair Bus ó Ghleann na Life go Lár na Cathrach (dá ngairtear an “**Scéim Bheartaithe**” anseo ina dhiaidh seo) a chur i gcrích.

Tá an Scéim Bheartaithe comhdhéanta de phríomhailíniú amháin maidir leis an mbealach a leanfaidh sí, ó Ghleann na Life go Lár na Cathrach. Tá an Scéim Bheartaithe thart ar 9.2 km ar fad. Tosóidh sí ar Bhóthar Chnoc an Fhuaráin agus leanfaidh sí siar agus ó dheas ó Ionad Siopadóireachta Ghleann na Life feadh an bhóthair dáileacháin i dtreo Bhóthar na Botha Fuaire. Ón áit sin, comhcheanglóidh sí le Bóthar na Botha Fuaire/an R833 agus leanfaidh sí ar aghaidh thar an M50, trí Shráidbhaile Bhaile Formaid agus feadh Bhóthar an tSáirséalaigh. Tiontóidh sí isteach ar Chorrán Grattan agus leanfaidh sí ar aghaidh trí Chill Mhaighneann, ag críochnú di ag deireadh na Sráide Airde. Áirítear leis an Scéim Bheartaithe méadú suntasach i leibhéal na tosaíochta bus feadh na conaire, lena n-áirítear faid bhreise lána bus a sholáthar. Táthar ag freastal ar raon leithscartha rothar sa dá threo, mar aon le saoráidí feabhsaithe do choisithe. Tá an Scéim Bheartaithe lonnaithe laistigh de limistéir riaracháin Chomhairle Cathrach Bhaile Átha Cliath agus Chomhairle Contae Átha Cliath Theas.

Ordaíodh do Scott Cawley Limited Tuarascáil maidir le Scagadh Measúnachta Cuí a ullmhú don Scéim Bheartaithe chun breithniú, anailís agus measúnú a dhéanamh ar cé acu is dóigh nó nach dóigh, i bhfianaise an eolais eolaíoch is fearr agus bunaithe ar fhaisnéis oibiachtúil agus ar chuspóirí caomhantais an láithreáin Eorpaigh/na láithreán Eorpach (atá pléite tuilleadh thíos), go mbeidh éifeacht shuntasach ag an Scéim Bheartaithe ina haonar nó i gcomhcheangal le pleananna nó tionscadail eile ar láithreán Eorpach/láithreáin Eorpacha.

Fuair an tÚdarás an Tuarascáil maidir le Scagadh Measúnachta Cuí agus léigh sé í. Rinne sé breithniú ar a bhfuil inti agus ar na conclúidí agus ar an moladh atá leagtha amach inti. Tar éis dó an méid sin a dhéanamh, comhaontaíonn an tÚdarás leis na conclúidí agus leis an moladh atá leagtha amach sa Tuarascáil maidir le Scagadh Measúnachta Cuí.

Cinneadh maidir leis an Scagadh Measúnachta Cuí

Chinn an tÚdarás gur gá Measúnacht Chuí a dhéanamh ar an Scéim Bheartaithe toisc gurb amhlaidh, i bhfianaise an eolais eolaíoch is fearr agus bunaithe ar fhaisnéis eolaíoch oibiachtúil, nach féidir leis an Údarás, tar éis dó scagadh a dhéanamh, neamhaird a thabhairt ar an bhfíoras go dtarlóidh sé, in éagmais maolaithe, go mbeidh éifeacht shuntasach ag an Scéim Bheartaithe ina haonar nó i gcomhcheangal le pleananna nó tionscadail eile ar na 17 Láithreán Eorpacha seo a leanas (cúig Limistéar Caomhantais Speisialta agus 12 Limistéar Cosanta Speisialta) i bhfianaise chuspóirí caomhantais na láithreán sin:-

1. **Limistéar Caomhantais Speisialta Chuan Bhaile Átha Cliath Thuaidh,**
2. **Limistéar Caomhantais Speisialta Chuan Bhaile Átha Cliath Theas,**
3. **Limistéar Caomhantais Speisialta Cheann Bhinn Éadair,**
4. **An Limistéar Caomhantais Speisialta idir Cloch Dábhiolla agus Oileán Dheilginse,**
5. **Limistéar Caomhantais Speisialta Reachrann,**
6. **Limistéar Cosanta Speisialta Inbhear Chuan Bhaile Átha Cliath Theas agus na Tulchann,**
7. **Limistéar Cosanta Speisialta Oileán an Bhulla,**

8. **Limistéar Cosanta Speisialta Chósta Cheann Bhinn Éadair,**
9. **Limistéar Cosanta Speisialta Inbhear Mhullach Íde,**
10. **Limistéar Cosanta Speisialta Chuan Bhaile Dúill,**
11. **Limistéar Cosanta Speisialta Inbhear Bhaile Roiséir,**
12. **Limistéar Cosanta Speisialta Oileáin na Sceirí,**
13. **Limistéar Cosanta Speisialta Reachrann,**
14. **Limistéar Cosanta Speisialta Inis Mac Neasáin,**
15. **Limistéar Cosanta Speisialta Oileáin Dheilginse,**
16. **Limistéar Cosanta Speisialta Chloch Dábhiolla, agus**
17. **Limistéar Cosanta Speisialta na Muirí.**

Rinne an tÚdarás an cinneadh sin tar éis breithniú a dhéanamh ar an timpeallacht éiceolaíoch bhonnline agus ar mhéid agus saintréithe na Scéime Beartaithe agus tar éis na tionchair fhéideartha seo a leanas a shainaithint, ar tionchair iad a bhféadfadh éifeachtaí suntasacha is dóigh ar Láithreáin Eorpacha teacht astu:

- Cailteanas agus scoilteadh gnáthóige;
- Díghrádú gnáthóige/éifeachtaí ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha;
- Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh; agus
- Tionchair cur isteach agus dhíláithriúcháin.

Tá tuilleadh mionsonraí tugtha thíos faoi gach ceann de na tionchair fhéideartha a sainaitníodh.

Cailteanas agus scoilteadh gnáthóige

Ní fhorluíonn an Scéim Bheartaithe ar aon láithreáin Eorpacha agus is é Limistéar Cosanta Speisialta Inbhear Chuan Bhaile Átha Cliath Theas agus na Tulchann an láithreán Eorpach is cóngaraí. Tá sé lonnaithe i gCuan Bhaile Átha Cliath, thart ar 6 km síos an abhainn ón Scéim Bheartaithe. Dá bhrí sin, níl aon fhéidearthacht ann go dtiocfadh cailteanas agus scoilteadh díreach gnáthóige chun cinn. D'fhéadfadh go dtiocfadh cailteanas gnáthóige chun cinn go hindíreach mar thoradh ar dhian-díghrádú gnáthóige a eascróidh as laghdú i gcáilíocht an uisce agus/nó as athrú ar an gcóras hidreolaíoch, mar atá tuairiscithe sa rannán thíos.

1. Maidir le speicis is Leasanna Caomhantais Speisialta ar ainmníodh Limistéir Chosanta Speisialta i gcomharsanacht na Scéime Beartaithe ina leith, is eol go mbaineann siad úsáid as láithreáin bheathaithe ex situ i limistéar Bhaile Átha Cliath (i.e., Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Oileán an Bhulla, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Inis Mac Neasáin, Limistéar Cosanta Speisialta Reachrann agus Limistéar Cosanta Speisialta na Muirí). Mar thoradh ar an Scéim Bheartaithe, caillfear go sealadach láithreán amháin istigh faoin tír atá lonnaithe laistigh d'achar na Scéime Beartaithe agus atá oiriúnach do thacú le faoileáin ghoir agus le speicis éan geimhrithe, is é sin, tailte Chlub CLG Ghaeil na Life, atá lonnaithe roimh an acomhal le Seachbhóthar Shéipéal Iosóid ar Bhóthar Choinn Colbaird (dá dtugtar an uimhir thagartha CBC0007WB003). Cé nár taifeadadh aon éin le linn an tséasúir aonair suirbhéanna, is amhlaidh, mar thoradh ar an Scéim Bheartaithe, a chaillfear (ar feadh fhad na tréimhse tógála) láithreáin atá oiriúnach do thacú le speicis éan goir agus geimhrithe is leasanna caomhantais speisialta. Dá bhrí sin, d'fhéadfadh tionchair a bheith ann ar speicis is leasanna caomhantais speisialta de chuid Limistéar Cosanta Speisialta mar thoradh ar cailteanas/scoilteadh gnáthóige.

Ós rud é go bhféadfadh an Scéim Bheartaithe a bheith ina cúis le cailiteanas/scoilteadh gnáthóige agus le héifeachtaí ar na speicis is leasanna cáilitheacha/leasanna caomhantais speisialta de chuid láithreán Eorpach, d'fhéadfadh éifeachtaí i gcomhcheangal teacht chun cinn.

Díghrádú gnáthóige/éifeachtaí ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha

Tá an Scéim Bheartaithe nasctha go hidreolaíoch le Cuan Bhaile Átha Cliath trí ionad cóireála fuíolluisce na Rinne, tríd an Life agus tríd an gCamóg.

Maidir le rith féideartha uisce éillithe dromchla chun srutha agus/nó eachtra doirte nó truaillithe de thaisme isteach in aon ghnéithe uisce dromchla le linn na tógála, nó le linn oibríochtaí, d'fhéadfadh siad difear a dhéanamh do cháilíocht an uisce sa timpeallacht uisceach glactha. D'fhéadfadh na nithe seo a leanas a bheith i gceist le heachtra truaillithe den sórt sin: scaoileadh dríodair isteach in uiscí glactha agus méadú iarmhartach i solaid shlógtha chrochta; agus doirteadh agus/nó ligean éilleán de thaisme isteach in uiscí glactha. Ba cheart a thabhairt faoi deara go mbeadh eachtra nó eachtraí an-substantiúil ag teastáil chun cainníochtaí den sórt sin a ghiniúint, rud nach dóigh dó tarlú.

Sa chás féideartha is measa agus in éagmais aon bheart maolaithe, is amhlaidh, maidir le rith uisce éillithe dromchla chun srutha agus/nó eachtra doirte nó truaillithe de thaisme isteach in aon ghnéithe uisce dromchla le linn na tógála, nó le linn oibríochtaí, a d'fhéadfadh siad difear a dhéanamh freisin do speicis ghluaiستهacha éan is leasanna caomhantais speisialta agus do speicis mamach is leasanna cáilitheacha a dhéanann comaitéireacht, a théann ar thóir foráiste agus a ligeann a scíth ag Cuan Bhaile Átha Cliath, i.e., éin a bhaineann le Limistéar Cosanta Speisialta Oileáin na Sceirí, Limistéar Cosanta Speisialta Chloch Dábhiolla, Limistéar Cosanta Speisialta Reachrann, Limistéar Cosanta Speisialta Inis Mac Neasáin, Limistéar Cosanta Speisialta Chuan Bhaile Átha Cliath Thuaidh, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin Dheilginse agus Limistéar Cosanta Speisialta na Muirí agus mamaigh mhuirí a bhaineann leis an Limistéar Caomhantais Speisialta idir Cloch Dábhiolla agus Oileán Dheilginse agus Limistéar Caomhantais Speisialta Reachrann. Is é an toradh a d'fhéadfadh a bheith ar an laghdú féideartha sin i gcáilíocht an uisce (ina aonar nó i gcomhcheangal le brúnna eile ar cháilíocht an uisce) ná díghrádú gnáthóg íogair atá i láthair laistigh de láithreáin Eorpacha síos an abhainn, rud a dhéanfadh difear diúltach do na speicis éan is leasanna caomhantais speisialta a théann ar thóir foráiste agus/nó ar an bhfara ar na gnáthóga sin. D'fhéadfadh sé difear diúltach a dhéanamh do chainníocht agus cáilíocht na creiche atá ar fáil do phobail is leasanna caomhantais speisialta agus is leasanna cáilitheacha freisin.

Ós rud é go bhféadfadh an Scéim Bheartaithe a bheith ina cúis le díghrádú gnáthóige agus le héifeachtaí ar na speicis is leasanna cáilitheacha/leasanna caomhantais speisialta de chuid láithreán Eorpach mar thoradh ar thionchair hidreolaíocha, d'fhéadfadh éifeachtaí i gcomhcheangal teacht chun cinn.

Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh

Sainithníodh glúineach bhiorach (*Reynoutria japonica*) feadh na Scéime Beartaithe, nó cóngarach di, i gceithre láthair. Tá an speiceas sin liostaithe sa Tríú Sceideal a ghabhann le Rialacháin na gComhphobal Eorpach (Éin agus Gnáthóga Nádúrtha), 2011. De bhreis air sin, thángthas sa staidéar deisce ar thaifid ar roinnt speiceas ionrach liostaithe a bheith le fáil i mórlimistéar staidéir na Scéime Beartaithe. Dá bhrí sin, tá acmhainneacht ann go leathfadh speicis ionracha, nó go dtabharfaí isteach iad, le linn oibreacha tógála agus/nó oibreacha gnáthchothabhála/bainistíochta a dhéanamh ar limistéir ghnáthóige talún i láithreáin Eorpacha síos an abhainn ó Chuan Bhaile Átha Cliath (i.e., Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Cosanta Speisialta Oileán an Bhulla agus Limistéar Cosanta Speisialta Inbhear Chuan Bhaile Átha Cliath Theas agus na Tulchann). Mar thoradh ar na speicis ionracha sin a thabhairt isteach i láithreáin Eorpacha síos an abhainn agus/nó ar iad a leathadh chuig na láithreáin sin, d'fhéadfadh go ndíghrádófaí na gnáthóga atá ann cheana, go háirithe

gnáthóga cósta nach mbíonn faoi sháile ar bhonn buan nó tráthrialta. D'fhéadfadh go bhfaigheadh na speicis sin an lámh in uachtar ar speicis dhúchasacha eile atá ann, rud a dhéanadh difear diúltach do chomhdhéanamh, éagsúlacht agus flúirse na speiceas agus d'iomláine struchtúrach fhisiciúil na gnáthóige. Ar an tslí sin, d'fhéadfadh sé sin an bonn a bhaint de chuspóirí caomhantais na láithreán Eorpach sin.

Ós rud é go bhféadfadh an Scéim Bheartaithe a bheith ina cúis le díghrádú gnáthóige agus le héifeachtaí ar na speicis is leasanna cáilitheacha/leasanna caomhantais speisialta de chuid láithreán Eorpach mar thoradh ar speicis ionracha neamhdhúchasacha a thabhairt isteach/a leathadh, d'fhéadfadh éifeachtaí i gcomhcheangal teacht chun cinn.

Tionchair cur isteach agus dhíláithriúcháin

Is é an toradh a d'fhéadfadh a bheith ar mhéadú sealadach agus/nó buan i leibhéal torainn, tonnchreatha agus/nó ghníomhaíocht an duine le linn thógáil na Scéime Beartaithe ná cur isteach ar na speicis fána atá i láthair i gcomharsanacht na Scéime Beartaithe agus/nó na speicis sin a dhíláithriú.

I gcás speiceas mamach amhail an madra uisce, ní mheasfaí go mbeadh na héifeachtaí cur isteach le sonrú níos mó ná 150 m ar shiúl¹. I gcás éan geimhrithe, ní mheasfaí go mbeadh na héifeachtaí cur isteach le sonrú níos mó ná thart ar 300 m² ar shiúl toisc gurb amhlaidh, maidir leis na leibhéal torainn a bhaineann le gníomhaíochtaí tógála ginearálta, a thanódh siad gar do leibhéal chúlra ag an bhfad sin. Níl aon láithreáin Eorpacha ann laistigh de chríos tionchair cur isteach na Scéime Beartaithe. Mar sin féin, taifeadh speicis is leasanna caomhantais speisialta ex situ a bhaineann le láithreáin Eorpacha agus iad ar thóir foráiste agus/nó ar an bhfara i gcomharsanacht na Scéime Beartaithe. D'fhéadfadh go gcuirfí isteach ar na speicis éan is leasanna caomhantais speisialta a bhaineann le pobail na Limistéar Cosanta Speisialta nó go ndíláithreofaí iad mar thoradh ar an Scéim Bheartaithe. Dá bhrí sin, tá féidearthacht ann freisin go dtarlódh éifeachtaí i gcomhcheangal mar thoradh ar chur isteach/ar dhíláithriú.

Achoimre

Maidir le cailteanas/scoilteadh agus díghrádú gnáthóg agus leis na tionchair cur isteach agus dhíláithriúcháin speiceas a bhaineann leis an Scéim Bheartaithe, tá acmhainneacht acu difear a dhéanamh don timpeallacht glactha agus, dá bharr sin, do na cuspóirí caomhantais a thacaíonn leis na leasanna cáilitheacha/na leasanna caomhantais speisialta de chuid aon láithreáin Eorpaigh/láithreán Eorpach. Dá bhrí sin, ní féidir neamhaird a thabhairt ar an bhfíric gur dóigh don Scéim Bheartaithe éifeachtaí suntasacha a bheith aici ar láithreán Eorpach/láithreáin Eorpacha.

Éifeachtaí i gcomhcheangal

D'fhéadfadh forbairtí atá beartaithe nó atá deonaithe, nó forbairtí a chuirfear chun feidhme faoi raon pleananna úsáid talún nó faoi phleananna eile, a bheith suite laistigh de láithreáin Eorpacha nó a bheith suite laistigh de láthair ina bhféadfadh siad teacht faoi chríos tionchair láithreán Eorpach a thagann freisin faoi chríos tionchair na Scéime Beartaithe.

¹ Tá sé sin ag teacht leis an treoir ó Bhoneagar Iompair Éireann (Guidelines for the Treatment of Otters prior to the Construction of National Road Schemes). Is fad réamhchúramach é sin, agus is dóigh go maolófar é leis an éifeacht scagtha a bheidh ag an bhfásra agus na foirgnimh mórthimpeall, agus is i bhfad níos lú dáiríre a bheidh crios tionchair an chuir isteach a bhaineann le tógáil.

² Maidir leis an tuiscint reatha ar an gcur isteach ar éin uisce gheimhrithe ó thorann a bhaineann le tógáil, tá sí bunaithe ar an taighde a cuireadh i láthair in Cutts et al. (2009) agus Wright et al. (2010). Maidir leis an torann tógála, ní bheifí ag súil leis go dtiocfadh aon fhreagairt ó éin atá ar thóir foráiste nó ar an bhfara chun cinn mar thoradh ar leibhéal faoi bhun 50 dB. Spreagadh leibhéal torainn idir 50 dB agus 70 dB éifeacht mheasartha ar éin/leibhéal measartha freagartha ó éin, i.e., éin a bheith ag teacht san airdeall agus roinnt athruithe iompraíochta (e.g., laghdú sa ghníomhaíocht beathaithe), ach bheifí ag súil leis go rachadh siad i dtaithí ar leibhéal torainn laistigh den raon sin. Ba dhóigh gurbh é an toradh a bheadh ar leibhéal torainn os cionn 70 dB ná go mbogfadh éin amach as an gcrios buailte nó go bhfágfadh siad an láithreán go hiomlán. Ag fad thart ar 300 m ar shiúl, is gnách gur faoi bhun 60 dB atá gnáthleibhéal torainn a bhaineann le gníomhaíocht tógála (BS 5228) nó, i bhformhór na gcásanna, tá siad níos cóngaraí don tairseach 50 dB.

I measc na bpríomhthionscadal forbartha a bhféadfadh éifeachtaí i gcomhcheangal a bheith acu de bharr a méide, a gcineáil agus/nó a láithreach tá Scéimeanna eile Croíchonairí Bus, MetroLink, uasghráduithe ar an mbonneagar iarnróid nó bonneagar nua iarnróid, agus bonneagar fóntais, lena n-áirítear feabhas beartaithe nó toilithe ar fhóntais uisce.

Maidir leis an acmhainneacht atá ann go dtiocfadh éifeachtaí i gcomhcheangal chun cinn idir na pleananna agus na tionscadail sin agus an Scéim Bheartaithe, tagann sí as na héifeachtaí is dóigh ar an gcomhshaol atá sainaitheanta don Scéim Bheartaithe (i.e., caillteanas agus scoilteadh gnáthóige, díghrádú gnáthóige (éifeachtaí hidreolaíocha agus speicis ionracha) agus cur isteach agus díláithriú), ag gníomhú dóibh i gcomhcheangal le héifeachtaí den chineál céanna.

Dá bhrí sin, ní féidir an acmhainneacht atá ann go dtiocfadh na héifeachtaí seo a leanas chun cinn i gcomhcheangal le pleananna agus príomhthionscadail forbartha a chur as an áireamh:

- Scoilteadh gnáthóige (mar shampla, láithreáin Eorpacha atá i mbaol caillteanais ghnáthóige *ex situ*; Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileán an Bhulla, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Oileáin na Sceirí, Limistéar Cosanta Speisialta Reachrann, Limistéar Cosanta Speisialta Inis Mac Neasáin agus Limistéar Cosanta Speisialta na Muirí);
- Díghrádú gnáthóige/éifeachtaí ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha (mar shampla, laghdú i gcáilíocht an uisce i ndobharcheantair a dhraenálann chuig Cuan Bhaile Átha Cliath, rud a dhéanann difear do na cuspóirí caomhantais a thacaíonn le gnáthóga agus speicis uisceacha i Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Caomhantais Speisialta Cheann Bhinn Éadair, Limistéar Cosanta Speisialta Chósta Cheann Bhinn Éadair, an Limistéar Caomhantais Speisialta idir Cloch Dábhiolla agus Oileán Dheilginse, Limistéar Caomhantais Speisialta Reachrann, Limistéar Cosanta Speisialta Oileán an Bhulla, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Oileáin Dheilginse, Limistéar Cosanta Speisialta Chuan Bhaile Dúill, Limistéar Cosanta Speisialta Inis Mac Neasáin, Limistéar Cosanta Speisialta Oileáin na Sceirí, Limistéar Cosanta Speisialta Chloch Dábhiolla, Limistéar Cosanta Speisialta Reachrann, Limistéar Cosanta Speisialta Inbhear Mhullach Íde, Limistéar Cosanta Speisialta Inbhear Bhaile Roiséir agus Limistéar Cosanta Speisialta na Muirí);
- Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh (mar shampla, i láithreáin Eorpacha síos an abhainn ó Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Cosanta Speisialta Oileán an Bhulla agus Limistéar Cosanta Speisialta Inbhear Chuan Bhaile Átha Cliath Theas agus na Tulchann); agus
- Tionchair cur isteach agus dhíláithriúcháin (mar shampla, láithreáin bheathaithe intíre *ex situ* a bhíonn in úsáid ag speicis éan geimhrithe is leasanna caomhantais speisialta laistigh de Chríos Tionchair cur isteach féideartha na Scéime Beartaithe i Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Inis Mac Neasáin, Limistéar Cosanta Speisialta Reachrann, Limistéar Cosanta Speisialta Oileán an Bhulla, Limistéar Cosanta Speisialta Inbhear Chuan Bhaile Átha Cliath Theas agus na Tulchann agus Limistéar Cosanta Speisialta na Muirí).


Conclúidí an Phróisis Measúnachta Scagtha

Tar éis scrúdú, anailís agus meastóireacht a dhéanamh ar an bhfaisnéis ábhartha ar fad, i bhfianaise an eolais eolaíoch is fearr, agus trí phrionsabal an réamhchúraim a chur i bhfeidhm, is féidir teacht ar an gconclúid gurb amhlaidh, in éagmais maolaithe, a d'fhéadfadh an tionscadal ina aonar nó i gcomhcheangal le pleananna agus tionscadail eile éifeachtaí suntasacha a bheith aige ar na láithreáin Eorpacha seo a leanas mar thoradh ar chaillteanas agus scoilteadh gnáthóige, ar dhíghrádú gnáthóige mar gheall ar thionchair hidreolaíocha/ar speicis ionracha a thabhairt isteach agus/nó a leathadh, agus ar thionchair cur isteach agus dhíláithriúcháin: Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Caomhantais Speisialta Cheann Bhinn Éadair, an Limistéar Caomhantais Speisialta idir Cloch Dábhiolla agus Oileán Dheilginse, Limistéar Caomhantais Speisialta Reachrann, Limistéar Cosanta Speisialta Oileán an Bhulla, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Chósta Cheann Bhinn Éadair, Limistéar Cosanta Speisialta Oileáin Dheilginse, Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Reachrann, Limistéar Cosanta Speisialta Inis Mac Neasáin, Limistéar Cosanta Speisialta Chloch Dábhiolla agus Limistéar Cosanta Speisialta na Muirí.

Sular thángthas ar an gconclúid sin, rinneadh breithniú iomlán ar chineál an tionscadail agus ar a chaidreamh féideartha le gach láithreán Eorpach laistigh den chrios tionchair agus ar chuspóirí caomhantais na láithreán sin.

D'iarr an tÚdarás go ndéanfaí Ráiteas Tionchair Natura a ullmhú agus a thabhairt chun críche lena chur faoi bhráid an Bhoird Pleanála i gcomhar le hiarratas ar cheadú don Scéim Bheartaithe.

Tá an cinneadh seo ar fáil lena iniúchadh ag Oifigí an Údaráis Náisiúnta Iompair, Dún Scéine, Lána Fhearchair, Baile Átha Cliath 2, D02 WT20, agus ar an suíomh Gréasáin www.busconnects.ie.



Sínithe: _____

Le haghaidh agus thar ceann Bhord Chlár BusConnects an Údaráis Náisiúnta Iompair

Dátaithe:- 24.6.2022